

Uunga siunnersuut: Meeqqat illersuisuat aamma Meeqqat pillugit Siunnersuisoqatigiit pillugit Inatsisartut inatsisaata allanngortinneqarneranut, Inuit Innarlutillit illersuisuat pillugu Inatsisartut inatsisaata allanngortinneqarneranut, Utoqqaat illersuisuat pillugu Inatsisartut inatsisaata allanngortinneqarneranut, Isumaginninnermik suliassaqarfimmi pissaanermik atuineq pillugu Inatsisartut inatsisaata allanngortinneqarneranut kiisalu Inuit Pisinnaatitaaffii pillugit Siunnersuisoqatigiit pillugit Inatsisartut inatsisaata allanngortinneqarneranut Inatsisartut inatsisaat

Meeqqanut, Inuusuttunut Ilaqutariinnut Peqqissutsimullu Naalackersuisumit saqqummiunneqartoq pillugu

Ilaqutariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISSUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, formand
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Najaaraq Møller, Siumut
Inatsisartunut ilaasortaq Mikivsuk Thomassen, Inuit Ataqaatigiit
Inatsisartunut ilaasortaq Eqaluk Høegh, Inuit Ataqaatigiit
Inatsisartunut ilaasortaq Paneeraq Olsen, Naleraq

UPA2023-imi 25. april 2023-imi siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Oqaaseq ”Illersuisoq”-mik taaneqartarnera paatsuungatitsisinaanera oqaaseqartartut Naalackersuisunut uparuarpaat, imami isumaqarsinnaammat ”illersuisoq” imaluunniit ”illersorti”. Taamaattumik taaguut eqqortuunersoq nalilersorneqarnissaa aammalu taaguummik eqqortumik siunnersuuteqaqqullugit Kalaallit Nunaanni Oqaasiliortut Naalackersuisunit qinnuigineqarput, taakkualu oqaaseq “oqaaseqartartoq” siunnersutigalugu. Taamaattumik oqaaseqartartut pillugit Inatsisartut inatsisaanni oqaatsip atorneqartup aammalu inatsisini arlalinni allani taaneqarfiini allannguutissatut siunnersuummi matumani

iluarsiniarneqarput. Siunnersuutigineqartoq nalunaarutigineqarneranit aqaguani atuutilersinneqassaaq.

Siunnersuutip Inatsisartunit siullermeerneqarnera

Siullermeerinninnermi siunnersuutigineqartoq annertuumik tapersersorneqarpoq. Partiinit ataasiakkaanit oqaatsitigut kukkuneqartoq amigaateqartorlu oqaatigaat, siunnersuullu ataatsimiititaliami suliarineqartussanngortinneqarluni.

Tusarniaanermi akissutit

Siunnersuut piffissami ulloq 8. novemberimiit ulloq 13. November nittartakkakut tusarniaassutigineqarpoq.

Tamatuma saniatigut siunnersuut Kommuneqarfik Sermersuumut, Avannaata Kommunianut, Kommune Qeqertalimmut, Kommune Kujallermut, Qeqqata Kommunianut, Meeqqat Illersuisuannut, Innarluutillit Illersuisuannut, Utoqqaat Illersuisuannut, Inuit Pisinnaatitaaffiit Kalaallit Nunaata Siunnersuisoqatigiivinit aamma Inuit Pisinnaatitaaffii pillugit Institutimut tusarniaassutigineqarpoq.

Tusarniaanermi akissuteqaatit teknikkikkut, oqaatsitigut aammalu kukkunerit amigaatillu annertunerusumik oqaasertalernagit ilanngunneqarsimasut Naalakkersuisut tusarniaanermut akissuteqaatiminni allassimagaat ataatsimiititaliamit maluginiarneqarpoq. Tamatuma saniatigut tusarniaanermi akissuteqaatinut allakkiami oqaatsit “pillugit” aamma “sinnerlugit” Tilioq-Innarluutillit Illersuisuannit aamma Meeqqat Illersuisuannit MIO-mit tusarniaanermi akissuteqineqartut Naalakkersuisut isummerfigisimavaat tunngavilersorlugillu.

Siunnersuutip aningaasatigut kingunerisassai

Siunnersuutigineqartoq, inuussutissarsiortunut, avatangiisinut, pinngortitamut inuillu peqqissusaannut pisortanut aningaasaqarnikkut allaffissornikkullu kinguneqarnaviangitsoq Naalakkersuisut oqaatigaat. Siunnersuutigineqartoq innuttaasunut aamma kinguneqarnaviangilaq illersuisullu atuunnerinut innuttaasunut ajornannginnerusumik paasinnittalernissaat naatsorsuutigineqarluni.

Ataatsimiititaliap siunnersuummik suliarinninnera

Inatsisit kalaallisuuni danskisuuinilu oqaatsitigut naapertuuttuunissaat pingaaruteqartoq ataatsimiititaliaq isumaqarpoq. Minnerunngitsumillu Meeqqat Illersuisuata, Innarluutillit Illersuisuata aammalu Utoqqaat Illersuisuata ataatsimoorlutik kissaatigalugu saqqummiussaata akuerineqassasoq ataatsimiititaliaq naliliivoq, taamaattumillu tamatumunnga naapertuuttumik inatsisissatut siunnersuummik Naalakkersuisut saqqummiussaqaarmata nuannaarutigalugu.

Ataatsimiititaliami sulilermi inatsisip kalaallisuani oqaatsitigut iluarsisoqartariaqarnera ataatsimiititaliamit maluginiarneqarpoq, pingajussaaneerinninnissamullu kalaallisuata

iluarsineqarnissaanut allannguutissatut siunnersuummik Naalakkersuisut saqqummiussaqaarnissaat naatsorsuutigalugu.

Ataatsimiititaliap inassuteqaatai

- Ataatsimiititaliap isumaqatigiittup siunnersuut akuerineqassasoq inassutigaa

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaaniigassanngortippaa.

Mala Høy Kúko
Siulittaasoq

Björk L. Kristensen
Siulittaasup tullia

Hans Peter Poulsen

Najaaraq Møller

Mikivsuk Thomassen

Eqaluk Høegh

Paneeraq Olsen